

Sampykkt um kattahald í Fjarðabyggð

1. gr.

Kattahald er bannað í þéttbýli í Fjarðabyggð. Einnig er bæjarstjórn heimilt að takmarka kattahald í dreifbýli ef þess er talin bryn þörf að mati heilbrigðisnefndar.

2. gr.

Bæjarstjórn er heimilt að veita loðráða einstaklingum, sem búa í bæjarfélaginu, undanþágu frá 1. gr. og leyfi til kattahalds. Leyfið er bundið við nafn og heimilisfang einstaklings og óheimilt er að framselja það. Leyfið er einnig bundið við þann kött sem sótt er um heimild fyrir hverju sinni.

Undanþágu má veita með eftirfarandi skilyrðum í þéttbýli:

- a) Ef sótt er um leyfi til að halda kött í fjölbylshúsi, skal skriflegt samþykki allra íbúðareigenda í sama stílagangi fylgja umsókn. Sé um að ræða parhús eða raðhús skal fylgja umsókn skriflegt samþykki eigenda aðliggjandi íbúða. Í fjölbylshúsi með sérstökum inngangi fyrir hverja íbúð skal fylgja leyfi allra íbúðareigenda.
- b) Leyfisgjald vegna undanþágu skal greiða árlega til sveitarsjóðs eftir gjaldskrá sem bæjarstjórn setur samkvæmt ákvæðum 25. gr. laga nr. 7/1998 um hollustuhætti og mengunarvarnir, með síðari breytingum, og að fenginni umsógn heilbrigðisnefndar. Bæjarstjórn skal láta birta gjaldskrá í B-deild Stjórnartíðinda. Gjöld mega aldrei vera hærri en sem nemur rokstuddum kostnaði við veitta þjónustu eða framkvæmd eftirlits með einstökum þáttum. Gjaldið skal greitt í fyrsta sinn við skráningu dýrs og síðan árlega fyrirfram 1. janúar ár hvert. Hafi gjaldið ekki verið greitt innan tveggja mánaða frá gjalddaga fellur leyfið sjálfkrafa úr gildi.
- c) Árlega ber leyfishafa að framvísa vottorði dýralæknis um að kötturinn hafi verið hreinsaður af spóluormum. Einnig ber að skila öðrum skilríkjum sem máli skipta.
- d) Leyfishafi skal hafa kött sinn ábyrgðartryggðan hjá viðurkenndu váttryggingafyrirtæki. Váttrygging skal ná til alls þess tjóns sem dýr hans kann að valda á monnum og munum. Lágmarkstryggingarupphæð verði kr. 10.000.000,- (tíu milljónir).
- e) Kötturinn skal ávallt bera ól um hálsinn. Á ólinni skal vera bjalla og plata, sem í er greipt skráningarnúmer dýrsins og simanúmer.
- f) Leyfishafa ber að sjá svo um að köttur hans valdi ekki hættu, óþægindum eða óþrifnaði eða raski ró manna.
- g) Óheimilt er að láta kött dvelja lengur en einn mánuð á heimili án þess að sótt sé um leyfi fyrir hann.
- h) Ekki er leyfilegt að hafa fleiri en tvo ketti á sama heimilinu.
- i) Eigendum og forráðamönnum katta ber að taka tillit til fuglalífs á varptíma og eftir atvikum takmarka útiveru katta m.a. að næturlagi.
- j) Köttum má ekki hleypa inn í fyrirtæki og stofnanir sbr. 4.-8. kafla og 11.-16. kafla heilbrigðisreglugerðar, þar sem matvæli eru meðhöndluð, sbr. reglugerð um matvæli, né inn í húsnæði vatnsveitna, sbr. reglugerð um neysluvatn og ölkelduvatn
- k) Leyfishafa ber að sjá til þess að hognar seu geldir og læður seu gerðar ófrjóar eða hafðar á pillunni, nema dýrin séu ætluð til undaneldis. Séu dýrin ætluð til undaneldis, þarf sérstaklega að taka það fram í umsókn.
- l) Hæfilegt er að framkvæma ófrjósemisagerðir á dýrunum 6-8 mánaða gömlum.

3. gr.

Umsóknum um leyfi til kattahalds skal skila til bæjarstjórnar, eða fulltrúa hennar á þar til gerðum eyðublöðum. Með undirritun umsóknar skuldbindur umsækjandi sig til að hlita í einu og öllu fyrir mælum samþykktar þessarar. Bæjarstjóri synjar eða gefur út umboðið leyfi að fenginni umsógn dýraeftirlitsmanns og/eða héraðsdýralæknis. Leyfishafi fær afhenta plötu, sbr. ákvæði d líðar 2. mgr. 2. gr. Sé leyfis ekki vítið mánuði eftir að það er veitt fellur það sjálfkrafa úr gildi.

4. gr.

Dýraeftirlitsmenn skulu vera starfandi í Fjarðabyggð og setur bæjarstjóri þeim starfsreglur. Skulu þeir gefa bæjarstjóra eða fulltrúa hans, sem með þessi mál fer, skriflega skýrsu um þau dýr sem þeir þurfa að hafa afskipti af. Dýraeftirlitsmenn skulu færa upplýsingar um leyfð dýr í þar til gerða bók. Þar skal einnig skrá nafn og heimilisfang leyfishafa. Dýraeftirlitsmenn skulu árlega senda sýslumannsembættinu skýr yfir leyfða ketti. Heilbrigðisnefnd fer með eftirlit með samþykkt þessari. Dýraeftirlitsmenn starfa í umboði heilbrigðisnefndar og hafa eftirlit með kattahaldi í Fjarðabyggð.

5. gr.

Leyfishafa ber ætíð að greiða kostnað sem leiðir af broti á samþykkt þessari.

6. gr.

Bæjarstjórn getur afturkallað leyfi til kattahalds telji hún þess brýna þörf.

7. gr.

Bæjarstjórn er heimilt að láta eyða ómerktum köttum, enda hafi framkvæmdin verið auglýst með áberandi hætti með a.m.k. sjö sólarhringa fyrirvara.

8. gr.

Sé kvartað undan ágangi katta í íbúðarhverfum er meindýraeyði heimilt að veiða í búr og eyða ómerktum flækingsköttum án þess að það sé auglýst sérstaklega.

9. gr.

Með brot á samþykktum þessum skal fara samkvæmt ákvæðum laga nr. 7/1998 um hollustuhætti og mengunarvarnir m.s.br.

10. gr.

Samþykkt þessi er samin af heilbrigðisnefnd Austurlands og samþykkt af bæjarstjórn Fjarðarbyggðar. Hún staðfestist hér með samkvæmt lögum nr. 7/1998 um hollustuhætti og mengunarvarnir m.s.br. til þess að oðlast gildi þegar í stað. Um leið falla úr gildi samþykkt um kattahald í Neskaupstað frá 14. nóvember 1996, samþykkt um hunda- og kattahald í Eskifjarðarkaupstað frá 19. desember 1994 og samþykkt um hunda- og kattahald á Reyðarfirði frá 11. apríl 1994.

Ákvæði til bráðabirgða.

Þeir sem nú halda ketti, en hafa ekki leyfi fyrir þeim skulu sækja um undanþágu frá banni samkvæmt 1. gr. fyrir 1. ágúst 2000.

Samþykkt í bæjarstjórn Fjarðarbyggðar 16.3.2001, nr. 246/2000
Guðmundur Bjarnason
bæjarstjóri